



Na osnovu Rješenja broj UP-05-12-1-609/25 od 03.06.2025. izdatog od strane Federalnog ministarstva finansija, „Central Park Real Estate“ d.o.o. za nekretnine Sarajevo, obavještava da organizira nagradnu igru „PACK AND GO – BIRAJ DESTINACIJU, MI PLAĆAMO!“

PRAVILA NAGRADNE IGRE „PACK AND GO – BIRAJ DESTINACIJU, MI PLAĆAMO!“ (naziv nagradne igre)

1. OSNOVNE INFORMACIJE O PRIREĐIVAČU NAGRADNE IGRE

Organizator nagradne igre je „Central Park Real Estate“ d.o.o. za nekretnine Sarajevo, skraćeni naziv „Central Park Real Estate“ d.o.o. Sarajevo, sa sjedištem u Trg djece Sarajeva broj 1, Sarajevo, Bosna i Hercegovina, i JIB: 4201082310002 (u daljem tekstu: Organizator).

2. NAZIV NAGRADNE IGRE

Naziv nagradne igre je „PACK AND GO – BIRAJ DESTINACIJU, MI PLAĆAMO!“.

3. TRAJANJE I SVRHA PRIREĐIVANJA NAGRADNE IGRE

1) Nagradna igra traje u periodu od 15.07.2025. do 15.08.2025. godine, a priređuje se u svrhu promocije ARIA mall-a, koji je u vlasništvu Organizatora, i svih poslovnih partnera kao zakupaca poslovnih prostora unutar ARIA mall-a.

2) Nagradna igra organizuje se na teritoriji Federacije Bosne i Hercegovine.

3) Organizator će prije početka nagradne igre, objaviti Pravila nagradne igre u jednom dnevnom novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.

4) Organizator će obezbjediti sve predulove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

5) Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

6) Za vrijeme trajanja nagradne igre, pravila su dostupna i na web stranici ARIA mall-a: www.ariamall.ba

4. USLOVI UČESTVOVANJA U NAGRADNOJ IGRI

1) Pravo učešća u nagradnoj igri imaju fizička lica, koja imaju prebivalište na području Bosne i Hercegovine, a koje mogu svoj identitet dokazati validnim dokumentom. Identifikacioni dokumenat pokazuje se samo ukoliko to bude tražio Organizator. Pravo na učešće u Nagradnoj igri ostvaruje svaki posjetilac ARIA mall-a koji, za vrijeme trajanja Nagradne igre, u jednom od poslovnih prostora ARIA mall-a obavi kupovinu u minimalnom iznosu od 50,00 KM (pedeset konvertibilnih maraka), te ubaci račun u odgovarajuću kutiju (u daljem tekstu: „Učesnik“). Na poledini računa mora biti čitko napisano ime, prezime, adresa i broj telefona Učesnika.

2) Svaki Učesnik u nagradnoj igri može učestvovati više puta koji za vrijeme trajanja Nagradne igre, u jednom od poslovnih prostora ARIA mall-a obavi kupovinu u minimalnom iznosu od 50,00 KM (pedeset konvertibilnih maraka), te ubaci račun u odgovarajuću kutiju. Na poledini računa moraju biti čitko napisani podaci pobliže navedeni u prethodnoj tački ovog člana.

Svaki predloženi račun podliježe provjeri Organizatora, te ukoliko isti nije pribavljen na dopušten i zakonit način, bit će nevažeći i odbačen u smislu ostvarivanja prava na učešće u ovoj Nagradnoj igri. Svaki račun koji je nečitljiv, dupliran, falsificiran, te na bilo koji način izmijenjen ili je pribavljen na način koji je u suprotnosti sa Pravilima ove Nagradne igre, neće biti prihvaćen. Računi plaćeni na ime korištenja usluga BH Telecom-a, m:tel-a, Telemach-a ili za kupovine obavljene kod Neira Babić real estate i Car4you, nemaju pravo učešća u ovoj Nagradnoj igri.

3) U nagradnoj igri ne mogu učestvovati osobe zaposlene kod Organizatora i partnera koji direktno učestvuju u ovoj Nagradnoj igri (zaposlenici zakupaca u ARIA mall-u), kao i najbliži članovi porodice (supružnici i djeca) bilo koje od navedenih osoba/partnera.

Ukoliko nagradu dobije maloljetna ili osoba ograničenih sposobnosti, takva osoba nagradu može prihvatiti samo uz odobrenje roditelja ili zakonskog staratelja.

4) Učestvovanjem u ovoj Nagradnoj igri učesnici prihvataju ova Pravila nagradne igre.

5. NAČIN IZVLAČENJA DOBITNIKA NAGRADA

1) Javno izvlačenje dobitnika će se održati u ARIA mall-u, 16.08.2025. sa početkom u 13:00h.

2) Za nagradu izvlači se i jedan alternativni dobitnik, koji se smatra dobitnikom u slučaju da prvobitno izvučeni dobitnik ne ispunjava uslove ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt telefon.

6. SASTAV KOMISIJE ZA IZVLAČENJA NAGRADA

(1) Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

(2) O toku izvlačenja Komisija će voditi zapisnik koji će minimalno sadržavati:

- mjesto, vrijeme i način izvlačenja dobitnika
- broj i datum Rješenja Federalnog ministarstva finansija,
- datum i naziv medija u kojem su pravila nagradne igre objavljena,
- imena i prezimena članova komisije,
- imena, prezimena i adrese dobitnika
- naziv i vrijednost nagrade pojedinog dobitnika.

7. FOND NAGRADA

1) Nagradni fond se sastoji od: Poklon vaučera za putovanje za dvije osobe u ukupnoj vrijednosti od 5.000,00 KM sa uračunatim PDV-om koji se realizira preko turističke agencije "MIA TOURS" d.o.o. Sarajevo. Dobitnik nagrade sam bira destinaciju u vrijednosti poklon vaučera, a koji uključuje troškove povratne karte, smještaja na bazi izabranog aranžmana i potrebne transfere. Odgovornost za realizaciju putovanja u smislu povratnih karata, smještaja i transfera snosi turistička agencija "MIA TOURS" d.o.o. Sarajevo. Ukoliko dobitnik nagrade odabare destinaciju za koju je potrebno pribaviti vizu, sam snosi troškove izdavanja iste. Sve dodatne troškove za eventualne fakultativne izlete u sklopu putovanja, snosi dobitnik nagrade. Putno zdravstveno osiguranje je uključeno u vrijednost nagrade.

NAGRADE Pojedinačna vrijednost nagrade sa PDV (KM) Količina (kom) UKUPNA VRIJEDNOST sa PDV (KM)
1 5.000,00 1 5.000,00

2) Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila. Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Zamjena poklon vaučera za novac nije moguća.

Poklon vaučer za putovanje mora se iskoristiti do 31.12.2025. godine. Dobitnik poklon vaučera isti ne može pokloniti, prodati niti prenijeti na drugu osobu. U slučaju da se dobitnik nagrade odluči za aranžman koji prelazi vrijednost poklon vaučera, dobitnik će moći izvršiti doplatu za isti. U slučaju da se dobitnik nagrade odluči za aranžman koji je ispod vrijednosti nagrade, nije moguće izvršiti isplatu razlike u novcu.

Ukoliko nagradu dobije maloljetna ili osoba ograničenih sposobnosti, odnosno takva osoba bude drugi saputnik na putovanju, ista nagradu može koristiti, odnosno prihvatiti putovanje samo uz odobrenje roditelja ili zakonskog staratelja. U tom slučaju roditelj, odnosno zakonski staratelj snose punu odgovornost za tu maloljetnu ili osobu ograničenih sposobnosti za vrijeme trajanja aranžmana, pa sve do povratka s putovanja.

8. NAČIN OBAVJEŠTENJA I OBJAVLJIVANJA DOBITNIKA NAGRADA

1) Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

2) Rezultati nagradne igre i imena dobitnika nagrada biće objavljeni i na web stranici ARIA mall-a (www.ariamall.ba)

3) Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9. MJESTO I ROK ZA PODIZANJE NAGRADA

1) Dobitnici će preuzeti osvojene nagrade u ARIA mall-u u roku od 30 dana od dana od prijema obavijesti o osvojenoj nagradi.

2) Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

3) Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.

4) Prilikom preuzimanja nagrade dobitnik je potpisuje izjavu o preuzimanju nagrade, a u slučaju maloljetnog lica ovu izjavu potpisuje roditelj ili staratelj, uz izričitu potvrdu da je saglasan da maloljetno lice može preuzeti i koristiti nagradu, kao i da roditelj/staratelj preuzima punu odgovornost u smislu člana 7. tačka 2. ovih Pravila.

5) Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

6) Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem nagradnog putovanja. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.

7) Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak. Sve porezne obveze plaća Organizator nagradne igre, a u skladu sa Zakonom o porezu na dohodak Federacije Bosne i Hercegovine.

10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

2) U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

4) Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

11. KORIŠĆENJE LIČNIH PODATAKA

1) Učešćem u nagradnoj igri, učesnici potvrđuju prihvatanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se samo za evidenciju Organizatora.

2) Organizator je odgovoran za obradu podataka u skladu sa propisima o zaštiti ličnih podataka, i poduzet će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu budu upoznati sa podacima.

3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

4) Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

5) Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane sa nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

12. NADLEŽNOST SUDA

1) Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Organizatora i učesnika odnosno dobitnika rješavaće se sporazumno.

3) U slučaju da spor nije moguće riješiti sporazumno, isti rješava materijalno nadležni sud.